

DJ CORIACA MAAL NA MI FM 107.5

ORANJESTAD(AAN): E emisoman cu ta situa den e curazon di San Nicolas: Radio 1270 y Mi FM 107.5 a haya e famoso DJ Coriaca Maal den nan team dinamico.

For di gerencia di e emisoreanan aki, DIARIO a haya informacion cu Coriaca Maal ta cuminsa traha na 1270 y Mi FM 107.5.

Despues di a modernisa nan equiponan y a automatiza completamente aña pasa, nan ta bin cu plannan grandi pa e aña aki tambe.

E emisora mas bieuw na Aruba Radio 1270 ta cumpli e aña aki 35 aña di existencia mientras cu Mi FM 107.5 ta cumpli dos aña.

E emisoreanan den e ultimo dos aña bao di manejo nobo y dinamico, a bin cu un sistema revolucionario di haci radio na Aruba, caminda nan ta profila nan mes como dos radio serio cu hendenan cu conosimento y experiencia den e medio di comunicacion aki.

Ta pesey e emisoreanan aki ta amplia nan personal cu nada menos cu e asina conosi Coriaca Maal.

Coriaca Maal ta un di e mihor damanan DJ na Curacao.

Na Venezuela, Coriaca a studia produccion pa radio y television na Academia Nacional den Ciencias y Arte del Cine y La Television.

El a yega di traha cu Radio Hoyer, Z-86, Telecuracao y Radio Exito.

E ta mira bek riba un carera di no menos cu 10 aña den radio.

Awor e voz femenino agradabel di Coriaca ta uni cu e team exitoso di Radio 1270 y Mi FM 107.5 cu poco pero sigur ta traha pa establese radio profesional na Aruba.

Coriaca, un profesional sin duda algun riba su tereno, ta bin cu programanan completamente nobo nunca antes scucha na Aruba.

Lo por scucha Coriaca Maal tanto riba banda AM 1270 como riba FM 107.5 y e lo ta un berdadero inovacion.

Cu atraccion di Coriaca e emisoreanan na San Nicolas ta muestra bon cla cu nan ta trahando duro pa atrae lo mihor pa nan oyentenan.

Radio 1270 ta perfilando dia pa dia mas como e emi-

sora deportivo y informativo di Aruba, mientras cu Mi FM 107.5 ta marca pasonan riba tereno di farandula, musica y cultura.

Apesar cu e emisoreanan aki a automatiza aña pasa, nan ta sigi busca personal califica pa asina mehora programacion pa nan oyentenan.

Un departamento di informacion a worde lanta den e ultimo dos aña cu ta trese no solamente noticia na nivel, pero tambe otro programanan informativo manera den e prome siman di Januari e emisoreanan a trese un mini serie di 10 aña Status Aparte, historia y evaluacion.

Asina tin mas programa manera "Lifestyle", "Brunch cu Shirley" tur diasabra y opinion.

Mescos cu noticia den "Panorama Mundial", e oyentenan por busca for di dialuna te diasabra tur loke ta pasa den deporte aki na

Aruba y rond mundo den "Panorama Deportivo".

Banda di Panorama Deportivo Radio 1270 tin un equipo di deporte cu ta percura pa tur tipo di transmision "Live" di diferente ramo di deporte.

Riba tereno musical tambe e emisoreanan di San Nicolas ta demostra cu nan ta serio.

Sin duda Radio 1270 ta e Talkradio di Aruba y nan ta conta cu un cuerpo di DJ respeta cu conose nan tereno di trabao.

Radio 1270 y Mi FM 107.5 consiente manera nan ta di nan deber como medio di comunicacion, aña pasa a organisa un curzo di papiamento pa nan personal pa di tal manera nan por sirbi publico mihor y duna asina respeta na nos idioma.

Awor e dos emisoreanan aki ta bolbe dal un paso grandi riba caminda di exito ampliando nan personal cu Coriaca Maal.

Enfoque Social

CASAMENTO RUBEN Y MIRTHA



Recientemente a drenta enlace matrimonial den Sala di Casamento di Aruba Ports Authority, e feliz pareha RUBEN SCHARBAAI y MIRTHA HELDER. Riba e foto aki di Emperatriz Perdomo (telefon 24209) por mira cu e pareha ta feliz, y pesey DIARIO ta desea nan tur clase di exito pa futuro.



Say it with Love

Why not give a Candle Light Dinner on Valentine's Day!

Make use of our Gift Certificates

CALL 61234
EXT. 4530

Pentium

MULTIMEDIA

COMPAQ

Presario 7170 CDS

PENTIUM 90 MHz

8 MB RAM, 840 MB hard disk drive
14" SVGA Monitor 1024 x 768
Quad Speed CD-ROM,
16 bit stereo sound + Speakers
14.4 Kb data/fax modem for INTERNET,
Telephone answering, voice mail,
Full duplex Speakerphone,

WINDOWS 95

Perfect Works + a lot of
FREE CD-ROM Titles.

Special X'mas price

Fls. **4795,-**

3 Years warranty

The Only **COMPAQ** Authorised Dealer in Aruba

Boelchand's Computerworld Aruba

Kaya Betico Croes 10 • Tel: 39513 • Fax: 30115